



Uunga  
Avatangiisinut Pinnngortitamullu Pisortaqarfik  
P.O. Box 1614  
3900 Nuuk

29/10-2007

4000-0101

**Kalaallit Nunaanniit avammut aavernit nioqqutissianik nioqquteqarnerup Atlantikup aarrinik (*Odobenus rosmarus rosmarus*) ulorianartorsiortitsisuunnginneranik misissuinnermit paasisat**

Isumaqatigiisummi CITES.-imi artikel IV-imi paragraf 2-imi allassimasoq naapertorlugu Naalagaaffimmi avammut nioqquteqartuusumi ilisimatusarnikkut oqartussaasut avammut nioqquteqarneq uumasut pineqartut annannissaannut aatsaat navianartorsiortitsisuunnginnerarpasuk avammut nioqquteqarnermut akuersissut tunniunneqarsinnaavoq.

**Avammut nioqquteqarnerup ulorianartorsiortitsisuunnginneranik misissuinnermit inerniliussat**

- Paasissutissat kingullit naapertorlugit aarrit Kalaallit Nunaata kitaani piniarneqartartut Qeqertaaluup (Baffin Islandip) kujammut kangiata aaviinut, aamma tassamani piniarneqartartunut, atasuugunavipput. Sumiiffinni taakkunani aarrit amerlassusiinik missingiinerit nalorninarqarput. 2007-imi Qeqertaaluup kujammut kangiata aarrisa amerlassusiinik missingiiniartoqarpoq. Ullumikkut ukiumut katillugit pisarineqartartut 120-140-iusut aarrit taakku ikinnerpaaffissaattut missingiussat (2006-imi Kalaallit Nunaata kitaani) 10-11% - iisut amerlassuseqarlutik amerlavallaarnissaat ilimanaateqarpoq.
- Canadap avannaata imartaata aarrisa eqqarleriikkuutaatut qanoq katitigaanerat ilisimaneqarluangimmat aammalu aarrit piniarfigineqartartut amerlassusii pillugit paasissutissanik amigaateqartoqarmat pisarineqartartut ilumut nungukkiartuutaannginersut pillugu inerniliisoqarsinnaangilaq.
- Tunup aarrisa eqqarleriikkuutaatut qanoq katitigaanerat ilisimaneqarluangimmat aammalu aarrit piniarfigineqartartut amerlassusii pillugit paasissutissanik amigaateqartoqarnera pissutigalugu pisarineqartartut ilumut nungukkiartuutaannginersut pillugu inerniliisoqarsinnaangilaq.
- Pissatat (annaasat) pillugit paasissutissat amigaatigineqarmata piniarneq aavernut eqqarleriikkuutaanut qanoq sunniuteqarnerasoq suli annerusumik nalornissutigineqalerpoq.

- Aarrit Kalaallit Nunaata kitaani, avannaani Tunumilu pisarineqartartut niuernermi immikkoortinneqarneq ajormata aavernit nioqputissianik Kalaallit Nunaanniit avammut niuernerq uumasut annannissa ajoqutaannginnera pillugu inerniliisoqarsinnaangilaq.
- Oqaatigineqartariaqarpoq Pinngortitaleriffik Canadami Danmarkimilu misissuivinnik suleqateqarluni Kalaallit Nunaata kitaata aarisa eqqarleriikkuutaanut sorlernut atasuunerat qanorlu amerlatiginerat pillugu paasissutissanik pissarsiniarluni annertuunik suliaqarmat. Aammattaaq Issittup imaata Tunullu imartaata aarri pillugit paasissutissanik 2008-imi 2009-imilu katersuinissamut pilersarusiortoqareersimavoq. Misissuinermi paasissutissanik aavernik piniarnerup nungusaataannginneranik naliliiniarnermi pisariaqartinneqartunik pissarsinissaq immikkut siunertaavoq.

Fernando Ugarte  
Pinngortitaleriffik  
CITES-imut tunngatillugu ilisimatuussutsikkut oqartussaasoq  
Kalaallit Nunaat